



# Vöktunarskýrsla 2016

## Arnarlax

Margrét Thorsteinsson og Cristian Gallo

NV nr. 09-17  
Mars 2017

|  |   |   |
|--|---|---|
|  <b>NÁTTÚRUSTOFA<br/>VESTFJARÐA</b>   |   | <b>Dagsetning mán/ár:</b> mars 2017   |
| <b>Skýrsla nr:</b><br>NV nr. 09-17   | <b>Verknúmer:</b><br>476  | <b>Dreifing:</b><br><input type="checkbox"/> Opin<br><input type="checkbox"/> Lokuð til:<br><input checked="" type="checkbox"/> Háð leyfi verkkaupa |
| <b>Heiti skýrslu:</b><br>Vöktunarskýrsla 2016 Arnarlax   |   | <b>Blaðsíður:</b> 8<br><b>Fjöldi viðauka:</b> 0   |
| <b>Höfundur:</b><br>Margrét Thorsteinsson og Cristian Gallo  |   | <b>Upplag:</b> 5<br><b>Fjöldi korta:</b> 0  |
| <b>Unnið fyrir:</b><br>Arnarlax  |   | <b>Gerð skýrslu/Verkstig:</b><br>Lokaеintak   |
| <b>Verkefnistjóri:</b><br>Cristian Gallo   |   | <b>Samstarfsaðilar:</b>   |
| <b>ÚTDRÁTTUR</b> <p>Í þessari árlegu vöktunarskýrslu er yfirlit yfir skýrslur og sýnatökur sem Náttúrustofa Vestfjarða hefur gert á liðnu ári fyrir Arnarlax.</p> <p>Skýrsla var gerð um lokasýnatöku við Haganes með samanburð á botnsýnatöku 2014 og 2015. Skýrsla um súrefnismælingar í Arnarfirði. Vöktunaráætlun Fjarðalax var endurskoðuð fyrir Patreksfjörð og Tálknafjörð. Lokasýnataka var gerð við Hlaðseyri í Patreksfirði og aukasýnataka í Laugardal í Tálknafirði, báðum skýrslum verður skilað 2017. Fyrirhugaðar sýnatökur eru í töflu og sýna hvað er framundan í vöktun til ársins 2023.</p> |   |   |
| <b>Lykilorð íslensk:</b><br>Fiskeldi, vöktun, botndýralíf, efnagreining í seti og sjó, súrefnfi  | <b>Lykilorð ensk:</b><br>Aquaculture, monitoring, benthic analysis, chemical analysis of sediment and seawater, oxygen. |   |
| <b>Undirskrift verkefnastjóra:</b><br><br>  | <b>Yfirfarið af:</b><br>Nancy Bechtloff   |   |

**EFNISYFIRLIT**

|                                       |   |
|---------------------------------------|---|
| ÚTDRÁTTUR .....                       | 2 |
| INNGANGUR .....                       | 4 |
| SKÝRSLUR .....                        | 6 |
| Arnarfjörður.....                     | 6 |
| Patreksfjörður og Tálknafjörður ..... | 8 |
| ÁRIÐ 2017 .....                       | 8 |

## INNGANGUR

Í þessari árlegu vöktunarskýrslu sem er skilað fyrir 1. maí til Umhverfisstofnunar er yfirlit yfir skýrslur og sýnatökur sem Náttúrustofa Vestfjarða hefur gert á liðnu ári fyrir Arnarlax.

Á árinu 2016 sameinaðist Fjarðalax við Arnarlax og er með sjókvíar í Arnarfirði, Patreksfirði og Tálknafirði.

## Arnarfjörður

Arnarlax er með starfsleyfi fyrir 10.000 tonna ársframleiðslu á laxi í sjókvíum í Arnarfirði sem nær til þriggja sjókvíaeldissvæða. Sjókvíaeldissvæði A (Haganes og Steinanes), sjókvíaeldissvæði B (Tjaldaneseyrar og Hlaðsbót) og sjókvíaeldissvæði C (Hringsdalur og Kirkjuból). Eldið er að jafnaði á tveimur sjókvíaeldissvæðum í senn og eitt svæði hvílt á milli eldislota. Hvert svæði má framleiða 5.000 tonn á ári. Vöktunaráætlun sem er í gildi fyrir þessi svæði:

Vöktunaráætlun 2015-2020 fyrir Arnarlax hf. Laxeldi við Haganes, Tjaldaneseyrar, Steinanes, Hringsdal, Hlaðsbót og Kirkjuból í Arnarfirði. NV nr. 22-15

Eftirfarandi sýnatökur, mælingar og skýrslur sem gerðar voru í Arnarfirði 2016:

- 
- Vöktunarskýrsla 2016 fyrir Arnarlax hf. Laxeldi í sjó við Haganes í Arnarfirði. NV nr. 15-16
  - Niðurstöður á efnagreiningu sjósýna tekin í maí 2016 við Haganes. NV nr. 18-16
  - Lokaskýrsla fyrir Haganes 2014-2016. Laxeldi í sjó. NV nr. 3-17
  - Súrefnismælingar í Arnarfirði 2016 - október og desember. NV nr. 8-17

Við sameiningu við Fjarðalax bættist við sjókvíaeldissvæðið í Fossfirði sem Fjarðalax dótturfyrirtæki Arnarlax er með í Arnarfirði og er með starfsleyfi fyrir að meðaltali 4.500 tonna framleiðslu á laxi á 3 ára fresti. Vöktunaráætlun sem er í gildi fyrir Fossfjörð:

Vöktunaráætlun fyrir Fjarðalax ehf. vegna laxeldis í Fossfirði, Tálknafirði og Patreksfirði endurskoðuð áætlun 2015.

Eftirfarandi sýnatökur, mælingar og skýrsla var gerð fyrir Fossfjörð í Arnarfirði 2016:

2015

- Monitoring of the benthic community in Fossfjörður 2015. NV nr. 19-16

### Patreksfjörður og Tálknafjörður

Fjarðalax er með starfsleyfi fyrir 3.000 tonna ársframleiðslu á laxi í sjókvíum í Patreksfirði og Tálknafirði sem nær til þriggja svæða í Patreksfirði (Hlaðseyri, Sandoddi, Þúfneyri) og þriggja svæða í Tálknafirði (Sveinseyri, Suðureyri og Laugardal). Í sitt hvorum firðinum má framleiða 1.500 tonn á ári og 398 tonn af þorski í Tálknafirði. Vöktunaráætlun sem var í gildi fyrir þessi svæði þegar sýnatökur voru gerðar; Vöktunaráætlun fyrir Fjarðalax ehf. Vegna laxeldis í Fossfirði, Tálknafirði og Patreksfirði.

Eftirfarandi drög að vöktunaráætlun fyrir Fjarðalax sem er dótturfyrirtæki Arnarlax, sýnatökur, mælingar og minnispunktar fyrir skýrslur í Patreksfirði og Tálknafirði voru gerðar 2016.

2016

- Lokasýnataka á Hlaðseyri við Patreksfjörð 21. nóvember 2016 (skýrslu verður skilað 2017)

2016

- Aukasýnataka í Laugardal við Tálknafjörð 22. nóvember 2016 (skýrslu verður skilað 2017)

2017

- Vöktunaráætlun fyrir sjókvíaeldi í Patreksfirði og Tálknafirði 2017-2023 Drög

## SKÝRSLUR

### Arnarfjörður

- **Vöktunarskýrsla 2016 fyrir Arnarlax hf. Laxeldi í sjó við Haganes í Arnarfirði. Margrét Thorsteinsson og Cristian Gallo. NV nr. 15 – 16.**

Í skýrslunni eru niðurstöður úr sýnatöku sem gerð var í maí 2014 áður en fiskur var settur í kvíar og nær til botnsýnatöku við Haganes.

- **Niðurstöður á efnagreiningu sjósýna tekin í maí 2016 við Haganes. Cristian Gallo og Margrét Thorssteinsson. NV nr. 18 – 16.**

Við efnagreiningar á heildar köfnunarefni (TN) og heildar fosfór (TP) mældust sjósýni undir 0,1 mg/L en það eru of há greiningarmörk til að hægt sé að greina breytingu á innihaldi þessa efna í sjónum.

- **Lokaskýrsla fyrir Haganes 2014-2016 Laxeldi í sjó. Cristian Gallo og Margrét Thorsteinsson. NV nr. 3 – 17.**

Í skýrslunni eru niðurstöður úr sýnatöku í maí 2016 og samanburður við niðurstöður frá sýnatökum sem gerðar voru fyrir útsetningu seiða við Haganes í maí 2014. Botndýr voru greind og gerðar voru mælingar á heildarmagn köfnunarefnis (TN), heildarmagni lífræns kolefnis (TOC) og súlfíð ( $H_2S$ ) í seti.

Það virðist vera harður sjávarbotn á stöðvum við kvíar og næst kvíum og niðurstöður benda til að lífræn efni safnist staðbundið upp undir kvíum og í næsta nágrenni. Það var ekki hægt að merkja mikil áhrif á botni við sjávarhlíðina sem var fjær en 100 m frá kvíunum.

Helstu breytingar á botndýralífi við Haganes í maí 2016 voru að burstaormur af tegundinni *Prionospio cf fallax* sem var fjölmennasta tegundin árið 2014 var horfinn eða hafði fækkað nálægt kvíunum en hann var ennþá fjölmennasta tegundin á svæðum fjarri kví. Burstaormur af vísitegundinni *Capitella capitata* sem er þekkt fyrir að þola vel lífræna uppsöfnun efna fannst ekki árið 2014 en var fjölmennur næst kvíunum árið 2016. Tegundum eins og *Chaetozone setosa* og *Ennucula tenuis* hafði einnig fjölgæð mikið.

- **Súrefnismælingar í Arnarfirði 2016 – október og desember. Margrét Thorsteinsson og Cristian Gallo. NV nr. 8-17.**

Þann 24. október og 6. desember árið 2016 var mælt súrefni, hiti og selta á þrem stöðum við Arnarfjörð; út af Baulhúsum, við Gíslasker og út af Haganesi. Súrefnismettun 24. október var 48,8-55,5% við sjávarbotninn og 72-91% á 65 m dýpi. Það munaði 3,8°C á hitastigi sjávar við sjávarbotninn og á 65 m dýpi og selta mældist 34,5-34,6 % á öllum stöðum.

Súrefnismettun 6. desember var 48,7% og 61,3% við sjávarbotninn og 92,3% og 88,4% á 65 m dýpi. Súrefnismettun var 93,7% og 98,9% á 45 m dýpi og 101,2% og 100,5% á 10 m dýpi. Það munaði 0,8°C á hitastig sjávar í neðri og efri sjávarlögum. Selta mældist 34,2-34,4% við sjávarbotninn og á 65 m, 45 m og á 10 m dýpi á öllum stöðum nema á 10 m dýpi við Gíslasker mældist seltan 33,8%.

Niðurstöður þessarar mælinga voru svipaðar niðurstöðum Hafrannsóknastofnunar í október og nóvember 2013.

- **Monitoring of the benthic community in Fossfjörður 2015. Cristian Gallo. NV nr. 19-16.**

Kynslóðatíminn hófst í maí 2014 og slátrun byrjaði í október 2015 og áætlað var að henni yrði lokið í október 2016.

Fækkun í fjölda og fjölbreytileika dýra og fjölgun vísitegundarinnar *Capitella capitata*, gefur til kynna mikla uppsöfnun á lífrænu efni við kvíarnar. Niðurstöður sýna að fiskeldissvæðið er undir álagi vegna uppsöfnunar á lífrænum eftum undir kvíunum. Umhverfisáhrifin eru innan 50 m frá kvíunum í megin straumstefnu.

## Patreksfjörður og Tálknafjörður

- Lokasýnataka á Hlaðseyri við Patreksfjörð.**

Sýnataka fór fram 21. nóvember 2016. Tekin voru tvö botndýrasýni og tvö efnasýni á níu stöðvum. Afoxunarmætti (redox potential) í seti var mælt í fyrsta skipti á svæðinu. Gerð var efnagreining á TN, TP, TOC og súlfíð. Skýrsla verður gefin út 2017.

- Aukasýnataka í Laugardal við Tálknafjörð.**

Sýnataka fór fram 22. nóvember 2016. Seiði voru sett í kvíar frá júní 2016 eftir hvíldartíma sem var frá febrúar 2016 án þess að sýnataka færi fram. Tekin voru tvö botndýrasýni og eitt efnasýni á fjórum stöðvum við kví og í nágrenni. Redox potential í seti var mælt í fyrsta skipti á svæðinu. Gerð var efnagreining á TN, TOC og súlfíð á tveim efnasýnum. Skýrsla verður gefin út 2017.

- Vöktunaráætlun fyrir sjókvíaeldi í Patreksfirði og Tálknafirði 2017 – 2023 drög.**

Vöktunaráætlun Fjarðalax, laxeldi í Fossfirði, Tálknafirði og Patreksfirði var endurskoðað og gerð drög að Vöktunaráætlun fyrir sjókvíaeldi í Patreksfirði og Tálknafirði 2017 – 2023. Þar sem að Fjarðalax sem varð dótturfyrirtæki Arnarlax 2016, sótti um að starfsleyfi færi úr 3 þús tonnum í 10.700 tonn.

## ÁRIÐ 2017

- Lokasýnataka á Tjaldaneseyrum 2017. Laxeldi í sjó.**

Sýnataka fór fram 28. febrúar 2017. Tekin voru tvö botndýrasýni og tvö efnasýni þar sem hægt var að ná sýnum. Afoxunarmætti (redox potential) í seti var mælt. Skýrsla verður gefin út 2017.

- Vöktunaráætlun Arnarlax til ársins 2023.**

| Svæði          | 2017 | 2018 | 2019 | 2020 | 2021 | 2022 | 2023 |
|----------------|------|------|------|------|------|------|------|
| Haganes        | H    | A    | L    | H    | A    | L    |      |
| Steinaneshlíð  | G    | A    | L    | H    | A    | L    |      |
| Tjaldneseyrar  | L    | H    | A    | L    | H    | A    | L    |
| Hringsdalur    | A    | L    | H    | A    | L    | H    | A    |
| Patreksfjörður |      | G    | A    | L    |      |      |      |
| Laugardalur    | A    | L    | H    | A    | L    |      |      |

G = Grunnssýnataka (áður en fiskur er settur út í fyrsta skipti á nýju svæði)

A = Aukasýnataka (getur t.d. verið þegar fóðrun er í hámarki og er val fyrirtækis)

L = Lokasýnataka (í kringum slátrun þegar lífmassi í kvíum er í hámarki)

H = Hvíldasýnataka (eftir hvíld svæðis)